



## **Universitätsbibliothek Paderborn**

### **Praxis Episcopalis**

In Qva Episcoporum Non Tantvm, Eorvmqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolviones ... quām brevissimè  
continentur

**Zerola, Tommaso**

**Coloniae Agrippinae, 1680**

Angaria, Seu Perangaria.

**urn:nbn:de:hbz:466:1-10447**

Ad septimum. Respondetur, quod est discrimen inter Indulgentiam plenariam, & remissionem omnium peccatorum? Respondetur primò ex Nav. loc. cit. notab. 8. n. 3. quod se habet ut genus, & remissio peccatorum velut species. Secundò, quod sunt idem, ut Mar. c. 14. Cœpit jurare, & anathematizare, sicut interdum dicitur in quibusdam Canonibus, & Bullis, excommunicamus, & anathematizamus, quamvis in hisce verbis alia possit esse interpretatione, vel quia ponitur exaggerative, vel quia convertitur, & pro vel, sive substantivum cum adjectivo, ut indulgentia plenaria sit adjectivum, & remissio peccatorum substantivum.

Ad octavum. Respondetur ex eodem loc. cit. notab. 1. super ver. durante, n. 38. & eod. super verbo, consequuntur, ubi dicitur, quod potest quis visitare Ecclesias determinatas in verbo, & finitâ visitatione confiteri, & communicare, & tunc lucratur Annum Jubilæum, & si hoc non fecerit in Urbe, sed tantum Ecclesias visitavit, & post regreditur in patriam suam, habet totum annum illum pro spatio ad confitendum & communicandum, in tantum, quod si ultimo anni die confiteatur, & communiceat, tunc lucratur Indulgentiam anni Jubilæi, quæ doctrina licet si sit vera, ut à simili dixi, in ver. Indulgentia, ex Sot. in praxi mea pœnit. c. 10. q. 31. tamen videtur fatis larga. Denique sicut se habet, quia in materiis moralibus, potius large, quam strictè proceditur, hoc ratiōne fallit primò in secundo anno, quando annus Jubilæus

fit extra Urbem. nam in multis conceditur Jubilæum pro uno mense, alibi pro sex, & sic dico, quod quis habet tempus per totum spatium mensis, vel sex mensium ad confitendum, & communicandum, adimplitis priùs tamē adimplendis, fallit secundò, nisi aliter Summus Pontifex statuerit, ut verbi gratia, accedentes ad Urbem, visitare habeant tot Ecclesias, tot vicibus jejunare, tot diebus confiteri, & communicare in Urbe, & finitâ visitatione, quia tunc ibi orationes effent adimplenda, alias non lucraretur indulgentia, vide Navar. notab. 19. num. 11. & gl. 9. in d. Extravag. 1. de pœnit. & remiss. & c. odia. quia lumen in favorabilibus, & Nav. loc. cit. notab. 16. n. 6. Sot. 4. sent. dist. 21. q. 2. ar. 3. col. 4. Hæc volui attigisse pro nunc breviter, sperans Deo adjuvante me facturum peculiarem tractatum de Anno Sancto Jubilæo.

### ANGARIA, SEU PERANGARIA.

**P**rimò, quæ dicantur angaria, & perangaria, vide Innoc. in c. non minus, n. 3. de immun. Eccles. Secundò, an Ecclesia teneatur ad angaria, & perangaria, vide eund. loc. cit. num. 4. & 7. & Affl. Et. in confit. justi. cultores, notab. 5. num. 5. ubi dicitur, nec Ecclesiam, nec Clericos posse sustinere Angariam.



C 3 A.R.